



CYNGOR LLYFRAU CYMRU
BOOKS COUNCIL of WALES



Tir na n-Og

GWOBRAU • AWARDS

Gwobrau Tir na n-Og ar gyfer Llyfrau i Blant Cymru

Canllawiau Ymgeisio



Dyddiad cau'r ceisiadau: dydd Iau, 1 Rhagfyr 2022*

(*Dylid cyflwyno llyfrau a gyhoeddwyd rhwng 1–31 Rhagfyr 2022 erbyn dydd Iau, 15 Rhagfyr 2022)

Gwobrau Llyfrau Plant Tir na n-Og yw'r gwobrau llyfrau plant hynaf a mwyaf poblogaidd yng Nghymru. Fe'i sefydlwyd ym 1976 gan Gyngor Llyfrau Cymru ac mae'r gwobrau'n cydnabod ac yn datlu'r awduron a'r darlunwyr mwyaf creadigol a'r deunyddiau darllen gorau i blant.

Mae'r gwobrau wedi'u hennill gan rai o'n prif awduron a darlunwyr gan gynnwys Manon Steffan Ros, Jac Jones, Gareth F Williams, Catherine Fisher a Jackie Morris.

Dyfernir tair gwobr o £1,000 yn flynyddol i'r enillydd cyffredinol ym mhob un o'r tri chategori. Noddir y gwobrau gan CILIP Cymru Wales (Sefydliad Siartredig Llyfrgellwyr a Gweithwyr Gwybodaeth Proffesiynol) a Chyngor Llyfrau Cymru.

Categoriâu

- Llyfrau Cymraeg ar gyfer oedran ysgol gynradd (4–11)
- Llyfrau Cymraeg ar gyfer oedran ysgol uwchradd (11–18)
- Llyfrau Saesneg ar gyfer plant oed cynradd ac uwchradd (4–18) gyda chefnidir Cymreig dilys.

Gwobrwyo a Hyrwyddo

- Dyfernir £1,000 i awdur buddugol pob categori, i'w rannu gyda'r darlunydd os yw'r llyfr wedi'i ddarlunio.
- Pan fydd llyfr arobryn â nifer o awduron/darlunwyr, gall y wobwr fynd i'r golygydd.

Mae Cyngor Llyfrau Cymru yn hyrwyddo'r Gwobrau trwy gynhyrchu deunydd hyrwyddo ar gyfer siopau llyfrau a llyfrgelloedd, a thrwy ddsbarthu adnoddau cysgodi i ysgolion yng Nghymru. Cefnogir y Gwobrau hefyd trwy ymgyrch gref yn y maes cysylltiadau cyhoeddus a marchnata digidol.

Gwahoddir enillwyr y categorïau i fynd ar daith o gwmpas ysgolion a llyfrgelloedd yng Nghymru, ac fe gydlynir hyn oll gan Gyngor Llyfrau Cymru.

Y Cynllun Cysgodi

Bydd plant yn gallu cymryd rhan yn y Cynllun Cysgodi sy'n agored i ysgolion ar hyd a lled Cymru. Bydd disgyblion yn y Cynllun Cysgodi yn gallu dewis eu hoff lyfrau o'r rhestr fer, yn annibynnol i lyfrau buddugol y beirniaid.

Bydd Cyngor Llyfrau Cymru yn prynu setiau o'r llyfrau ar y rhestr fer i ysgolion sy'n cymryd rhan yn y Cynllun Cysgodi. Cytunir ar delerau disgownt ymlaen llaw gyda'r cyhoeddwr ar y rhestr fer.

Amserlen

- | | |
|----------------|--|
| 1 Medi 2022 | – yn agor i geisiadau |
| 1 Rhagfyr 2022 | – yn cau i geisiadau |
| Mawrth 2023 | – yn cyhoeddi'r rhestrau byr + yn lansio'r ymgyrch manwerthu a'r cynllun cysgodi |
| Mai 2023 | – yn cyhoeddi'r enillwyr yn Eisteddfod yr Urdd a Chynhadledd CILIP Cymru |





Meini Prawf Cymhwyster

Gall cyhoeddwr gyflwyno cynifer o lyfrau cymwys ag y dymunan

- Llyfrau Cymraeg ar gyfer oedran ysgol gynradd (4–11)
- Llyfrau Cymraeg ar gyfer oedran ysgol uwchradd (11–18)
- Llyfrau Saesneg ar gyfer plant oed cynradd ac uwchradd (4–18) gyda chefnidir Cymreig dilys.

Diffiniad o gefndir Cymreig dilys: Teitlau â chynnwys sy'n amlwg yn berthnasol i Gymru o ran, er enghraifft, lleoliad, treftadaeth neu ddiwylliant. Nid yw preswylid na dinasyddiaeth yr awdur yn berthnasol yn yr achos hwn.

- Mae angen i deitlau cymwys fod wedi'u cyhoeddi gyntaf rhwng 1 Ionawr a 31 Rhagfyr 2022 gan gyhoeddwr sydd wedi'i leoli yn y DU ac Iwerddon.
- Mae barddoniaeth, ffuglen, gweithiau ffeithiol, blodeugerddi a llyfrau lluniau i gyd yn gymwys.
- Mae llyfrau gwreiddol a gyhoeddir yn Gymraeg ac yn Saesneg yn gymwys.
- Mae fformatau newydd yn gymwys os rhoddir ISBN gwahanol i'r deunydd.
- Nid yw llyfrau lliwio, pecynnau addysgol na gwर्सlyfrau'n gymwys.
- Nid yw ailargraffiadau nac ail rifynnau'n gymwys.
- Nid yw cyfieithiadau'n gymwys.
- Ni fydd llyfrau'n gymwys mewn categori lle mae'r awduron (neu aelod o'u teulu agos) yn aelod o banel beirniadu'r categori. Bydd llyfrau yn gymwys os yw'r awduron (neu aelod o'u teulu agos) yn aelod o banel beirniadu ar wahân.
- Nid yw llyfrau a gyhoeddir ar-lein yn unig, yn gymwys.
- Rhaid i'r awdur fod yn fyw pan gyflwynir y llyfr.





Amodau a Thelerau

Sicrhewch eich bod wedi darllen yr Amodau a'r Thelerau yn ofalus iawn gan y byddant yn cael eu gorfodi. Bydd cymhwysedd yn cael ei wirio'n ofalus.

Ar gyfer pob ymholiad, gan gynnwys y rhai sy'n ymwneud â chymhwyster neu gyflwyniadau hwyr, cysylltwch â Chyngor Llyfrau Cymru.

Rhaid cyflwyno ceisiadau ar ffurf copi caled a thrwy e-bost.

Anfonwch **bum copi am ddim** o bob teitl a gyflwynir, ynghyd â Ffurflen Gais wedi'i chwblhau, cyn 1 Rhagfyr 2022, i:

Gwobrau Tir na n-Og,
Cyngor Llyfrau Cymru,
Castell Brychan,
Aberystwyth,
Ceredigion
SY23 2JB
Rhif Ffôn: 01970 624151

E-bost: cllc.plant@llyfrau.cymru

- Fel un o amodau'r gystadleuaeth, mae'n rhaid i gyhoeddwr ac awduron yr holl lyfrau ar y rhestr fer a'r rhai buddugol, gydweithredu â Chyngor Llyfrau Cymru wrth hysbysebu a hyrwyddo Gwobrau Tir na n-Og.
- Bydd gofyn hefyd i awduron buddugol gydweithredu â'r cyfryngau yn syth ar ôl y cyhoeddiad ac wedi hynny.
- Disgwylir i gyhoeddwr ar y rhestr fer ddarparu copïau o'r llyfr am swm gostyngol ar gyfer Cynllun Cysgodir Wobr gyda'r disgownt i'w gytuno â'r Cyngor Llyfrau ymlaen llaw.
- Disgwylir i gyhoeddwr y teitlau ar y rhestr fer sicrhau bod y teitlau mewn print o'r dyddiad y caiff y rhestr fer ei rhyddhau hyd nes y cyhoeddir yr enillwyr.
- Disgwylir i gyhoeddwr ar y rhestr fer gyflenwi'r canlynol:
 - delwedd eglur iawn o glawr y llyfr (gan gynnwys unrhyw gredydau perthnasol)
 - llun eglur iawn o'r awdur (gan gynnwys unrhyw gredydau perthnasol)
 - disgrifiad byr o'r llyfr
 - bywgraffiad byr o'r awdur a manylion cyswllt
- Bydd angen i bob cyhoeddwr ddarparu 5 copi gratis ychwanegol o'u llyfrau **ar y rhestr fer** at ddibenion cyhoeddusrwydd.
- O bosib bydd angen i bob cyhoeddwr ddarparu 5 copi gratis ychwanegol o **bob llyfr buddugol** at ddibenion cyhoeddusrwydd. Nid oes modd dychwelyd y llyfrau a gyflenwir.
- Disgwylir i gyhoeddwr grybwyll y wobwr yn eu broliannau pe bai'r gyfrol arobryn yn cael ei hailargraffu; byddai hefyd yn ddymunol i gyhoeddwr gynnwys y geiriau canlynol ar unrhyw weithiau newydd a gyhoeddir gan gyn-enillwyr: "...Enillydd Gwobrau Tir na n-Og...".





- Rhaid i gyhoeddwr yr holl lyfrau ar y rhestr fer a'r llyfrau buddugol ymdrechu i ddefnyddio unrhyw waith celf a ddarparwyd gan Gyngor Llyfrau Cymru i hyrwyddo llwyddiant a gwerthiant y teitlau, a'i ddefnyddio at y diben hwnnw ar gyfer llyfrau ym mhob fformat gan gynnwys fformat electronig.
- Wrth i gyhoeddwr gyflwyno gwaith yr awdur, fe dybir bod yr awdur wedi cytuno i'w waith gael ei ystyried.
- Gall feirniaid ystyried unrhyw lyfr na chafodd ei gyflwyno, ar yr amod ei fod yn cydymffurfio â'r cymwysterau a nodwyd yn y rheolau hyn, ac yn ddarostyngedig i gytundeb y cyhoeddwr (a chytundeb tybiedig yr awdur/awduron) i gyflwyno copïau ar gais.
- Rhaid i bob awdur a darlunydd ar y rhestr fer wneud eu gorau glas i fynychu'r seremonïau cyflwyno yng Nghymru ym mis Mai 2023 – yn Eisteddfod yr Urdd ar gyfer y categorïau Cymraeg ac yng Nghynhadledd CILIP Cymru ar gyfer y categori Saesneg. Os oes unrhyw broblem ynghylch argaeledd yr awdur, rhaid rhoi gwybod i Gyngor Llyfrau Cymru ar unwaith.
- Mae penderfyniadau'r beirniaid yn derfynol. Ni chaniateir unrhyw drafodaeth na gohebiaeth ynglŷn ag unrhyw benderfyniad.
- Mae Cyngor Llyfrau Cymru yn cadw'r hawl i naill ai gynnwys neu wrthod unrhyw gais am unrhyw reswm yr ystyria'n gyfiawnadwy, ac mae'n cadw'r hawl i amrywio'r Rheolau a'r Amodau Ymgeisio ac i newid y rhaglen gyhoeddedig, os bernir bod angen gwneud hynny i sicrhau gweinyddiaeth briodol ac uniondeb y Gwobrau, ac os bydd angen gwneud hynny am resymau y tu hwnt i reolaeth Cyngor Llyfrau Cymru. Bydd penderfyniad Cyngor Llyfrau Cymru ar y materion hyn yn derfynol ac yn rhwymol, ac ni ymgwymerir ag unrhyw ohebiaeth.

Cyngor Llyfrau Cymru

Mae Cyngor Llyfrau Cymru yn elusen genedlaethol sy'n cefnogi ac yn datblygu'r diwydiant cyhoeddi yng Nghymru. Rydyn ni'n hyrwyddo llythrennedd a darllen er pleser trwy ystod o ymgyrchoedd, gweithgareddau a digwyddiadau cyhoeddus ledled Cymru, gan weithio'n aml mewn partneriaeth ag ysgolion, llyfrgelloedd a sefydliadau llenyddol eraill. Fe'n sefydlwyd yn Aberystwyth ym 1961 ac rydyn ni'n yn gweithio gyda chyhoeddwr i feithrin talent a deunydd newydd yn Gymraeg a Saesneg yn ogystal â chynnig gwasanaethau golygu, dylunio, marchnata a dosbarthu arbenigol. Rydyn ni hefyd yn gweinyddu grantiau i gyhoeddwr a llyfrwerthwr annibynnol. Daw ein cyllid yn rhannol o Lywodraeth Cymru ac yn rhannol o weithrediadau masnachol ein busnes dosbarthu llyfrau a chyfanwerthu.

Os hoffech chi ragor o wybodaeth am Wobrau Tir na n-Og, ewch i llyfrau.cymru





Ffurflen Gais

Cyhoeddwr	
Enw Cyswllt	
Cyfeiriad E-bost	
Rhif Ffôn	

Teitl	Awdur	Dyddiad Cyhoeddi	ISBN

Rwy'n cadarnhau bod y teitl(au) uchod yn cydymffurfio â Meini Prawf Cymhwyster Gwobrau Tir na n-Og ar gyfer Llyfrau i Blant Cymru, a fy mod wedi darllen a chytuno â'r Amodau a'r Telerau. Os ydw i ar y rhestr fer, rwy'n rhoi caniatâd i Gyngor Llyfrau Cymru ddefnyddio unrhyw ddeunyddiau marchnata a gyflwynir (delweddau o gloriau llyfrau, a lluniau'r awduron ynghyd â'u bywgraffiadau a gwybodaeth amdanynt) at ddibenion hyrwyddo Gwobrau Tir na n-Og ar gyfer Llyfrau i Blant Cymru.

Enw: _____

Llofnod: _____

Dyddiad: _____

